



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XXVII. Die Ianvarii.

urn:nbn:de:hbz:466:1-9625

tium precibus Deo commendatus, extinctus est. Creditur diuinitus certior fuisse factus de sua morte; quam incredibilis populi de illius sanctimonia existimatio est consecuta.

IGNATIVS SOIER
SCHOLASTICVS.

Germanus
Ingolstadij.
26. Ian. 1647

PRO Collegio Ingolstadiensi se victimam obtulit DEO, desiderans

vnus mori pro omnibus, si pestis gliscens Collegium quoque inficeret. Voto posita est adeo flagrans charitas. Etenim Ingolstadiensi Collegio vndequaue saluo, vnus ille, velut piacularis victima decessit; Contagione nullâ in Collegio subsecuta.

Charitas.

XXVII. DIE IANVARIJ.

IOANNES DE P. STEPHANVS
BRIONES COADIVT. TYCCIYS.

Hispanus
Nacalcar-
neri. 27.
Ian. 1580.
B. V.
V. catio.

Mortif.

Oratio.
Noct.

EPastorculo Coadiutor factus est; illatâ secum in Societatem, à qua nutu capitis vocari sibi aliquando visus erat, Beatissimæ Matris imagine, quam in culina, in qua per annos 16. laborabat, collocavit. Eâ in arte se apprimè perfecit, speculum Nouitiorum factus, & tentatorum firmamentum. Quotidie in se flagellis voluntariâ sæuitiâ animaduvertebat. Sabbathi ieiunio & creberrimis alijs, orandi assiduitate, labore improbo, salutariâ illâ suâ quoties culinam ingrediebatur, vel egrediebatur imagine, superatis daemone, quem videbat, & à quo percutiebatur, & cum ad se flagellandum noctu consurgeret, variè tumultuantem audiebat, terriculamentis, futurorum ex vero prædictione, mirabili extasis instar silentio cum Sanctissimo viatico accipiendo se compararet moribundus, humilitate denique incomparabili, mirabilis, omnium fuit exemplum & viua lex.

VIr ingenio ad vsque admirationem, sed sui affligendi, ac dolores tolerandi maiore fortitudine stupendus. Totis annis nunquam vestes ponebat, nisi cum sæuire in se vellet; id quod singulis noctibus factitabat, se ab humeris ad pedes vsque atque inde sursum ad humeros vsque, vndequaue diuerberans. Somnus illi super nudo asserere, nec vltra quinque horas productus; cum quinas alias orandi assiduitati daret flexis genibus in medio sui cubiculi. Euata illi in ceruice natta ad capitis molem intumuit; & neruos, gulam, os ita contraxit, vt semicadaver, ac miserandum dolorum spectaculum ægerrimè respiraret, ac famem non aliter posset quam odore calidi panis, & coctarum carniū quoquo modo solari, seu potius cruciare. Et tamen premebat dolores tam longæ mortis magno sanctoque silentio, IESVM tantum ac MARIAM ingeminans; ac testatus libenter, libenter se & hæc, & his decuplo acerbiora, adeoque vel æterna Purgatorij carceris tormenta pro suo

Italus Ro-
mæ. 27. an.
1597.
Mortif.

Noct.

Patientia.

Amor Dei
erga

Amor Dei. erga bonum DEVM amore tolerare paratum. Ita dolorum finem accepit Romæ hoc die; Clemente VIII. Pon. Max. post auditam eius mortem dicente: Ergo demum mortuus est Sanctus.

P. HIERONYMVS DE ZARA.

Hispanus Hispali. 27. Iaa. 600. **F**uit & hic omnium virtutum splendore illustris, vt aiunt, qui sic discipulorum per ipsos sex & triginta annos (tot enim annos fuit Grammaticæ facultatem professus) animos ad se conuertit, vt omnes collachrymabundi suo amantissimo parenti parentarent.

FRANCISCVS DOMINICVS COADIUT.

Hispanus Vallisoleti. 27. Iaa. 1615 ætat. 80. Soc. 62. B. V. Sensuum cust. Mortif. Pia colloq. Euchar. **B**eatissimæ Virginis festa arcto ieiunio, publicâ sui verberatione, ac nocturnâ de illius virtutibus meditatione colebat. Vallisoleti per 18. annos ædituus cum esset, nullam fœminam de facie nouit. Per iter, cum alij iam conqueuissent, ad stabulum se recipiebat, & ibi in se acriter sæuiebat. Plusquàm ducentis selectissimis exemplis memoriam instruxerat quæ appositè narrabat, vt alios ad diuina hortaretur; quemadmodum regulæ Coadiutorem iubent, multis ad bonam frugem reductis. Coram SS. Sacramento sublati in Cælum oculis, & iunctis porrectisque sursum manibus longo tempore perstabat orans.

BARTHOLOMÆVS PVZZOLVS COADIUT.

Semper locum vltimum; & quæ abctissima sunt eligebat. Legum acuratione mirabili obseruantissimus; nulloque humano respectu ab illis vquam absterritus. Lingua illi religiosè castigata, & patientia inuicta quicquid illi contra eum dicerent, quibus vestes faciebat breuiores quia breuiores fieri regula sartoris iubet. Supremâ vitæ nocte (vt eius acta cum fide conscripta testantur) à S. Anna Matre DEIPARÆ salutatus, vidit postea Simonem Bucerium non ita pridem vitâ functum, & Alphonsum Rodriquez, ac denique B. Aloysium Gonzagam quos ille voce, vultu, gestuque hilari consalutauit primum deinde quasi in Aloysij collum, brachia circumiecturus, exurrexit, porrexitque manus vltimo virium conatu ad fratrum amplexum, Aloysij potissimum; quasi ad ægrum propius aduentantis, & inter suaues lachrymas verba quædam singultiebat, quibus se dicebat honore illo indignum. Ita bonam inter dulces singultus animam exhalauit ætatis anno 72. Soc. 52.

Italus Panormi. 27. Iaa. 1631. Regula.

S. Anna.

Mors.

B. Aloysius.

Mors.

P. IOANNES DE PINEDA.

Eruditione magna, at virtute nil minor. ad obedientie nutum omnè attentus, ac celer, ad eò vt ad signum æris campani, eò quò socij vocabantur primus accurreret. Hispali DEIPARÆ honorem ingenti celebritate auxit. Germano suo author fuit, vt Hispalense Collegium conderet, cui postea ipse præfuit. Castitas illi semper Virginea, cibo ac somno parco, G seue-

Hispanus 27. Iaa. 1637. ætat. 80. Soc. 66. Obed. B. V.

Denef. Castit.

Mortific.

Paupertas.

seuerissimaque sensuum custodia, & multis afflictationibus subacto corpore custodita. Vestis illius tam abiecta, vt ne tyronum quidem vlli vsui esse potuerit. Publico PP. Carthusianorum diplomate decretum, pro illo anniuersarium Sacrum per totum Ordinem in Kalendarijs Domorum singulariter describendum.

P. BERNARDVS
DE PONTE.

Italus Neapoli : 7. Ian. 1644.
Oratio Sacrum.

S. Andreas.

B. V.

Mortific.

Illius ad aram operantis facies, orantis verò aliàs corpus totum, cælesti splendore illuxit, etiam à terra sublime. Procaci fœminæ mortem prædixit; & illa sequenti die mortua in lecto reperta est. Oculâ vi ad S. Andreæ sepulchrum delatum esse aiunt, ædituo id stupente, sed silentij fide obstricto. Lauretum pedes ibat, & valde fessus in antro quiescebat, cum ecce B. V. illi adfuit, & ad abstergendum sudorem byssum porrexit. Mortui humeri reperi flagris vndique exarati.

P. IOANNES
DEL CAMPO.

Hispanus in insula Mindanao 17. Ian. 1621.
ætat. 30.
Soc. 14.

Fuit Ioannes vir ingenio: doctrinâ, & actuosæ industriæ; amabilis consuetudinis, ac pulcherrimis plurium animarum, apud Samboangas potissi-

mum lucris felix. In Insula Mindanao Sioconensium erudiendorum curam per diligentem habebat, cum nonnulli ferocis, ac ad obscœnam libertatem propensioris ingenij barbari ægrè ferebant quod à turpi fœminarum consuetudine ad castissimas Christianæ fidei exercitationes, ad diuinum sacrificium, ad doctrinam Christianam, ad mores religioni susceptæ consentaneos auocarentur. Quare necis illi clam consciscendæ consilia cum finitimis iniere. Ergò cum eo ad litus formosi, vt vocant, fluminis profecti sunt; vt eò alij alia; nouo quod Ioannes ad flumen illud moliebatur templo condendo idonea deportarent. Ibi in describendis, mensurandis, concinnandis templi spacijs ac interuallis occupatum, quinque milites, ex eorum censu quos Pampangos vocant, ex insidijs inuasere: ac primus quidem, lanceam validâ manu in Ioannis pectus impressit; inde aliam ei in humeros defixere; & concidentem, ac alijs super alia vulneribus saucium consecere; corpore vndique perfosso ac lacero, in pulchrum, seu formosum, quod istic præterlabebatur, flumen abiecto. Atque hæc omnia sic gesta fuisse, ab ijs templi ministris qui Patrem eò fuerant comitati, & postea fugâ se saluauere accepimus. Tumultum, qui lanceam in Ioanem defixerat, duabus lanceis breui postea temporis interuallo confixus, & in flumen demersus interijt, vindictâ scelus sat eito assecutâ.